


Bolaodi: ho tshehetsa le ho boloka boleng



PUO YA LEKGOTLA MABAPI LE BOLAODI

NWU e ikanetse ditheo tsa boitshwaro, ponaletso, boikekemelo, boikarabelo, Maikarabelo, ho se be leeme le boikarabelo ba kgahisano, jwalo ka ha ho tsekwa Peelong ya King IV.

Ka ho tshwanelang, Lekgotla le tjhaella monwana Khoutu ya Ditlwaelo le Boitshwaro, le Khoutu ya Bitshwaro bo nang le Semelo

Boitshwaro le Ditlwaelo jwalo ka ha ho hlahella ho King IV, mme sena se sebedisitswe ka ditsela tse matla nakong sebaka se oho buuwang ka sona. Bakeng sa ho tshehetsa dikhoutu tsena, Lekgotla le lemoha tlhoko ya ho tsamaisa kgwebo ya NWU ka seriti le ho latela ditlwaelo tse ntle tsa kakaretso tse amohelehang.

Ho hlahlojwa ha mekgwa ena yah o sekehela tsebe dikhoutu tsena ke karolo ya thomo ya Komiti ya Oditi, Dikotsi le Tshekehelotsebe.

Ho na le phapang e bonahalang e kgolo mesebetsing le maikarabelong a Modulasetulo wa Lekgotla le ao e leng a motlatsa-mokanseliri.



Puo ya tjhaellomonwana e fumanweng ho tswa ho Lekgotla la NWU ka la 13 Phupjane 2024.

Seabo le mesebetsi ya Lekgotla le dikomiti tsa lona

Ka maikemisetso a ho fan aka motheo o tsitsitseng bakeng sa ho theha boleng, kgolo le boipoloko ba nako e telele, Lekgotla le beha maano, le netefatsa taolo e nepahetseng, le kganna tshekehotsebe le bolaodi ba ho qoba kotsi mme le hlahloba diketsahalo tsohle tse bohlokwa tsa yunivesithi.

Jwalo ka mohlakomedi wa kakaretso bakeng sa tsamaiso e ntle ya setheo, Lekgotla le nka mesebetsi wa lona wa boleko le tataiso ka ho tiya. Re nka kgato ho latela dipehelo tse tsepameng tsa Molao wa Thuto e Phahameng le Molao wa NWU, o ileng wa lekolwa botjha le ho phatlalatswa ka 24 Phupjane 2022.

Ka 2023, tlasa botsamaisi ba Lekgotla, NWU e ile ya tswelapele ho ikamahanya le maemo a hodimo a botsamaisi ka lehlakoreng le leng e ntse e theha maemo a bolaodi a tsamaiswang ke ho hahaballa boleng.

Lekgotla le bopilwe ho latela dipehelo tse ka hara Molao wa Thuto e Phahameng le Molao wa yunivesithi.

Ho maloko a 30 a Lekgotla, 60% ke a tswang ka ntle ha 40% e le a ka hare, ho netefatsa boikemelo tikolohong ya bolaodi.

Maloko a Lekgotla a kgwathuweng ho tswa ka ntle kapa a thontsweng		Maloko a Lekgotla a kgethuweng ho tswa ka hare kapa a thontsweng	
Bakgethwa ba Letona	5	Botsamaisi: Motlatsa-mokanseliri le Motlatsa-Mosuwehloho	2
Banyehedi	3	Senate	3
Mokoloko	4	Basebetsi ba borutehi	2
Baetapele ba setjhaba	3	Basebetsi ba tshehetso	2
Boitsebelo bo ikgethileng	3	Lekgotla la Boemedi ba Baithuti	3
	18		12